



Broj: 37-1/2014
Datum: 23.01.2014.

OSNOVNI SUD BRČKO DISTRIKTA

BRČKO

Veza: Vaš broj 96 0 Pr 067477 13 Pr

PREDMET: Izjašnjenje i prijedlog za izvođenje dokaza povodom zahtjeva Odjeljenja za obrazovanje Vlade Brčko distrikta za pokretanje prekršajnog postupka

Povodom pokrenutog prekršajnog postupka koji se pred tim Sudom vodi pod brojem 96 0 Pr 067477 13 Pr, a povodom zahtjeva Odjeljenja za obrazovanje Brčko distrikta broj predmeta 37-000523/13, broj akta 0285RG-001/13, od 24.07.2013. godine, predlažemo sljedeće:

- 1) da Sud odbaci navedeni zahtjev i obustavi prekršajni postupak, iz sljedećeg razloga:
 - a) zato što je u zahtjevu navedeno da smo počinili prekršaj iz člana 154 i 33 stav 1 Zakona o visokom obrazovanju u Brčko distriktu, međutim, ove odredbe nisu kaznene, već se njima regulišu druga pitanja, tako da smo prijavljeni za nepostojeći prekršaj, i
 - b) zato što je uz zahtjev priložen lažan zapisnik o provjeri ispunjavanja uslova za rad Evropskog univerziteta Brčko distrikta. Naime, dostavljen je zapisnik koji nisu potpisali predstavnici Evropskog univerziteta, zatim koji se sadržinski ne poklapa sa pravim zapisnikom i čiju svaku stranu nije parafila gospođa Dragana Janković, predsjednik Komisije, što je sve učinjeno na pravom zapisniku, čiju Vam kopiju dostavljamo. Kako je Odjeljenje u ovom slučaju lažni zapisnik upotrijebilo kao pravi, predlažemo da protiv šefa Odjeljenja za obrazovanje Momčila Poljića podnesete krivičnu prijavu za krivično djelo krivotvorenja isprave iz člana 367 stav 2 Krivičnog zakona Brčko distrikta.
- 2) ukoliko Sud ne postupi po našem prijedlogu iz tačke 1) ovog dopisa, predlažemo da se na usmenom pretresu izvedu sljedeći dokazi, i to:
 - a) da se ostvari uvid u odluku o imenovanju Komisije za provjeru ispunjenosti uslova za rad i obavljanje djelatnosti visokoškolskih ustanova na području Brčko distrikta broj predmeta 05-000942/13, broj akta 0285RG-001/13, od 9.07.2013. godine, čiju vam kopiju dostavljamo, a na osnovu čega će se utvrditi da je Komisija imala zadatak da izvrši kontrolu rada svih visokoškolskih ustanova na području Brčko distrikta, dakle, uključujući i državni Ekonomski fakultet, na kome radi gospodin Poljić. Međutim, ispostavilo se da je gospodin Poljić sprječio da se izvrši kontrola fakulteta na kome on radi, iako se iz medija može zaključiti da taj fakultet nema potrebne dozvole za rad;
 - b) da se ostvari uvid u originalni zapisnik o provjeri ispunjavanja uslova za rad Evropskog univerziteta Brčko distrikt od 18.07. i 19.07.2013. godine, čiju vam kopiju dostavljamo;
 - c) da se ostvari uvid u zapisnik Komisije o provjeri ispunjenosti uslova za rad Evropskog univerziteta u Brčkom od 26.07.2013. godine, čiju vam kopiju dostavljamo;

d) da se ostvari uvid u rješenje Agencije za zaštitu ličnih podataka BiH broj UP1 03-1-37-1-152/13 A.Z. od 15.11.2013. godine, čiju vam kopiju dostavljamo;

e) da se u svojstvu svjedoka sasluša šef Odjeljenja za obrazovanje Momčilo Poljić, na osnovu čije izjave bismo željeli da dokažemo da je gospodin Poljić zlonamjerno iscenirao situaciju i smislio priču da naš Univerzitet nije dozvolio kontrolu, kako bi prema nama preduzimao represivne mjere i nanosio nam štetu, da bi time „zamaglio“ situaciju oko rada državnog Ekonomskog fakulteta na kome on radi i kako bi time doprinio da taj fakultet na tržištu visokog obrazovanju stekne povoljniju poziciju, i

f) da se u svojstvu svjedoka saslušaju članovi Komisije za nadzor nad radom Evropskog univerziteta, i to: Dragana Janković, Mara Matkić, Ivana Krezić, Sanela Kukuljević i Mirela Brodlić, na osnovu čijih izjava želimo da dokažemo da Komisija nije ometana u radu, kako se netačno navodi u zahtjevu za vođenje prekršajnog postupka i da im je bilo omogućeno da ostvare uvid u sve dosjee studenata i zaposlenih.

PRILOG:

- 1) kopija odluke o imenovanju Komisije za provjeru ispunjenosti uslova za rad i obavljanje djelatnosti visokoškolskih ustanova na području Brčko distrikta broj predmeta 05-000942/13, broj akta 0285RC-001/13, od 9.07.2013. godine;
- 2) kopija originalnog zapisnika o provjeri ispunjavanja uslova za rad Evropskog univerziteta Brčko distrikt od 18.07. i 19.07.2013. godine;
- 3) kopija zapisnika Komisije o provjeri ispunjenosti uslova za rad Evropskog univerziteta u Brčkom od 26.07.2013. godine;
- 4) kopija rješenja Agencije za zaštitu ličnih podataka BiH broj UP1 03-1-37-1-152/13 A.Z. od 15.11.2013. godine.

S poštovanjem,



REKTOR

Prof. dr. Zoran Mitrošević